



AÐALSKIPULAG HRUNAMANNAHREPPS 2016-2032

Breyting á aðalskipulagi – Efnisnáma í Skollagróf

Skipulagslýsing

15.06.2021



EFNISYFIRLIT

1	INNGANGUR	3
1.1	Skipulagslýsing	3
1.2	Markmið	3
2	FORSENDUR OG STAÐHÆTTIR	4
2.1	Skipulagssvæðið	4
2.2	Náttúrufar og dýralíf	4
2.3	Verndarsvæði og fornminjar	5
3	FYRIRLIGGJANDI STEFNA OG FYRIRHUGUÐ BREYTING	5
3.1	Landsskipulagsstefna	5
3.2	Aðalskipulag Hrunamannahrepps	6
3.3	Breyting á aðalskipulagi	6
4	KYNNING OG SAMRÁÐ	7
4.1	Umsagnaraðilar	7
4.2	Samráð	8
4.3	Skipulagsferli	8

HÖFUNDUR	RÝNI	VERKNR.
ÁJ / AB	IS	2775-016-ASK-001-V01

1 INNGANGUR

Hér er sett fram skipulagslýsing fyrir breytingu á Aðalskipulagi Hrunamannahrepps 2016-2032.

Gert verður ráð fyrir allt að 2 ha námusvæði til allt að 40.000 m³ efnistöku samhliða því að vinna jarðvegsefni til sérhæfðari nota.

1.1 Skipulagslýsing

Gerð skipulagslýsingar er ætlað að tryggja aðkomu almennings og hagsmunaaðila að skipulagsferlinu á fyrstu stigum þess, auka gagnsæi, tryggja betra upplýsingaflæði, skila betri og markvissari skipulagsvinnu og gefa sveitarstjórn og öðrum sem koma að ferlinu betri yfirsýn allt frá fyrstu skrefum.

Samkvæmt 1. mgr. 30. gr. skipulagslaga nr. 123/2010 skal sveitarstjórn taka saman lýsingu á skipulagsverkefni. Í lýsingu skal koma fram hvaða áherslur sveitarstjórn hafi við aðalskipulagsgerðina, upplýsingar um forsendur, fyrirliggjandi stefnu og fyrirhugað skipulagsferli svo sem um kynningu og samráð við skipulagsgerðina gagnvart íbúum sveitarfélagsins og öðrum hagsmunaaðilum. Leita skal umsagnar um lýsingu hjá Skipulagsstofnun og umsagnaraðilum og kynna hana fyrir almenningi.

Framkvæmdin er ekki háð umhverfismati, þar sem stærð er undir 25.000 m² og magn undir 50.000 m³.

1.2 Markmið

Markmið með breytingu á aðalskipulagi er að skilgreina efnistökusvæðið og heildarumfang þess samhliða möguleika á að afsetja lífrænan úrgang/jarðveg.

Framkvæmdaraðili gerir ráð fyrir að efnið nýtist á nærsvæði námunnar en nú þegar þarf að sækja sérhæfðari jarðvegsefni um langan veg. Þá er aukin eftirspurn vegna mikillar uppbyggingar.

2 FORSENDUR OG STAÐHÆTTIR

Fyrirhugað er efnistaka er úr landi Skollagrófar í Hrunamannahreppi og mun aðkoma að svæðinu verða um heimreið að Skollagróf, eða aðra aðkomu í samráði við Vegagerðina.

2.1 Skipulagssvæðið

Jörðin Skollagróf 166828, liggur nokkuð norðan Flúða. Fyrirhugað efnistökusvæði er niður undir Hvítá þar sem hún breiðir úr sér á eyrum og rennur um malareyrar.

2.2 Náttúrufar og dýralíf

Á svæðinu eru nokkuð fjölbreyttar vistgerðir skv. kortlagningu NÍ – vistgerðakort:

Eyrarvist (L4.1.), talin útbreidd og með lágt verndargildi, Alaskalúpína (L14.4) allútbreidd á láglendi, Auravist (L4.2) allútbreidd og með miðlungs verndargildi, Tún og akurlendi (L14.2).

Hafa ber í huga nákvæmni vistgerðarkortlagningar við mat á vistgerðum svæðisins en kortlagning miðast við nákvæmni allt að 1:25.000 og ætla má að nánast allt rask á gróðurfari vegna framkvæmdanna hafi þegar átt sér stað.



Mynd 1. Yfirlitsmynd yfir Skollagróf. Svæðið er afmarkað með rauðum hring (©Loftmyndir ehf.)


2.3 Verndarsvæði og fornminjar

Svæðið er á skilgreindu mikilvægu fuglasvæði eins og allt Suðurlandsundirlendið sbr. kortlagningu NÍ.

Fyrirhugað efnistökusvæði liggur skammt ofan Kópsvatns og Kópsvatnseyra, sem njóta hverfisverndar (HV8) í aðalskipulagi sveitarfélagsins. Kópsvatn vegna votlendis og fjölbreytts fuglalífs og á Kópsvatnseyrum er allmikið varp, aðallega sílamáfur og grágæs.

Svæðið er ekki á náttúruminjaskrá og ekki er á svæðinu sérstök vernd náttúrufyrirbæra utan þess að það er skilgreint sem mikilvægt fuglasvæði líkt og önnur láglendissvæði á Suðurlandsundirlendinu.

Ef fram koma áður óþekktar fornleifar á framkvæmdatíma, sbr. 24. gr. laga um menningarminjar nr. 80/2012, verður þegar haft samband við Minjastofnun Íslands og framkvæmd stöðvuð uns fengin er ákvörðun Minjastofnunar um hvort halda megi áfram og með hvaða skilmálum.



Mynd 2. Vistgerðarkort NÍ yfir Skollagróf og nágrenni. Svæðið er afmarkað með rauðum hring. (<https://vistgerdakort.ni.is/> - júní 2021)

3 FYRIRLIGGJANDI STEFNA OG FYRIRHUGUÐ BREYTING

3.1 Landsskipulagsstefna

Landsskipulagsstefna er unnin á grundvelli skipulagslaga nr. 123/2010. Samkvæmt 4. mgr. 10. gr. sömu laga skulu sveitarfélög taka mið af landsskipulagsstefnu við gerð skipulagsáætlana eða breytinga á þeim.

Í kafla 2.2.2 Náttúra, menningararfur og heilnæmt umhverfi segir:

„Við skipulagsgerð sveitarfélaga verði leitast við að varðveita náttúru- og menningargæði sem hafa staðbundið, eða víðtækara, gildi út frá sögu, náttúrufari eða menningu. Það getur m.a. falist í stefnu um vistheimt og verndun og eflingu gróðurs og jarðvegs. Jafnframt verði gætt að álagi á vatna og vatnsvernd. Landslagsgreining og vistgerðaflokkun ásamt áætlunum um uppgræðslu lands og vatnaáætlun verði lagðar til grundvallar skipulagsákvörðunum.“

Aðalskipulag Hrunamannahrepps var samþykkt í desember 2017. Fyrirhugað efnistökusvæði er niður undir Hvítá, á mörkum ræktaðs lands og áreyra.

Mynd 3. Yfirlitsmynd úr gildandi aðalskipulagi. Svæði afmarkað með rauðum hring.

Í skipulaginu er einnig lögð áhersla á að framkvæmd efnistöku sé í samræmi við viðeigandi leyfi, bæði starfs- og framkvæmdarleyfi og að auki mati á umhverfisáhrifum þegar framkvæmdir falla undir lög um mat á umhverfisáhrifum.

Breyting verður gerð bæði á skipulagsuppdrætti og í greinagerð. Á uppdrátt verður sett inn nýtt efnistökusvæði og í yfirlitstöflu greinargerðar, kafla 2.2.9 verður bætt inn nýju efnistökusvæði fyrir allt að 40.000 m³ auk þess sem heimilað verður að afsetja jarðveg, (jarðvegstípps) innan svæðis.

Fyrirhuguð framkvæmd fellur undir lið 2.04 í viðauka laga um mat á umhverfisáhrifum nr. 106/2000 m.s.br.; „*Efnistaka og/eða haugsetning á landi eða úr hafsbotni þar sem áætlað er að raska minna en 25.000 m² svæði eða efnismagn er minna en 50.000 m³“.*

6

Í skipulagsgerðinni er umhverfismat áætlana mikilvægt til að tryggja samræmi á milli stefnu í mismunandi málaflokkum skipulagsins og tryggja að umhverfismarkmiðum sveitarfélagsins sé haldið á lofti. Umhverfismatið verður sett fram í umhverfisskýrslu sem fylgir skipulagsgögnunum.

Í umhverfisskýrslu verða skoðuð áhrif á umhverfisþættina sem sýndir eru í töflunni hér að neðan og þeir metnir í samræmi við stefnuskjöl og viðmið. Í umhverfisskýrslu verða sett viðmið fyrir hvern umhverfisþátt. Viðmiðin verða sett með tilliti til laga og reglugerða, stefnuskjala sveitarfélagsins ásamt settum markmiðum sveitarfélagsins í samfélags- og umhverfismálum auk viðmiða í opinberum stefnuskjöllum og/eða alþjóðlegum skuldbindingum.

UMHVERFISÞÁTTUR	MATSSPURNING	VIÐMIÐ
Gróður og dýralíf	Hefur stefnan áhrif á gróður / votlendi? Hefur stefnan áhrif á fuglalíf?	Stefna í aðalskipulagi Vistgerðarkortlagning NÍ
Ásýnd og landslag	Hefur stefnan áhrif á ásýnd svæðisins? Hefur stefnan áhrif á náttúrulegt landslag?	Landsskipulagsstefna 2015-2026
Samfélag	Hefur stefnan áhrif á atvinnulíf? Hefur stefnan áhrif á tekjustofna sveitarfélagsins?	Stefna í aðalskipulagi
Heilsa og öryggi	Hefur stefnan áhrif á hljóðvist og/eða loftgæði? Er hætta á mengun af völdum stefnunnar?	Stefna í aðalskipulagi

5 KYNNING OG SAMRÁÐ

Með kynningu skipulags- og matslýsingar þessarar er umsagnaraðilum, hagsmunaaðilum og almenníngi gefinn kostur á að leggja fram sjónarmið og ábendingar sem að gagni gætu komið. Jafnframt er óskað samráðs við Skipulagsstofnun um umfang og áherslur við mat á umhverfisáhrifum.

Skipulagslýsingin verður kynnt með auglýsingu og á vefsíðu Umhverfis- og tæknisviðs uppsveita utu@utu.is. Athugasemdir skulu vera skriflegar og berast skrifstofu sveitarfélagsins eða skrifstofu skipulagsfulltrúa, fyrir auglýstan tímafrest.

5.1 Umsagnaraðilar

- Skipulagsstofnun
- Umhverfisstofnun
- Vegagerðin
- Minjastofnun Íslands
- Heilbrigðiseftirlitið
- Bláskógabyggð

Eftir atvikum verður leitað eftir umsögnum annarra aðila, s.s. veiðifélags.

5.2 Samráð

Aðalskipulagsbreytingin verður kynnt á heimasíðu Umhverfis- og tæknisviðs uppsveita, áður en hún verður tekin til afgreiðslu í sveitarstjórn.

5.3 Skipulagsferli

Meðferð skipulagslýsingar verður skv. skipulagslögum nr. 123/2010.

TAFLA 1. Drög að skipulagsferlinu ásamt tímasetningum, birt með fyrirvara um breytingar.

MÁNUÐUR	LÝSING
Júní/ág. 2021	Skipulags- og matslýsing tekin fyrir í skipulagsnefnd og send Skipulagsstofnun og umsagnaraðilum til umsagnar. Lýsingin verður jafnframt kynnt almenningi. Gefinn verður tveggja vikna frestur til að skila inn athugasemdum.
Ág./sept.	Tillaga að aðalskipulagsbreytingu tekin til umfjöllunar í skipulagsnefnd, kynnt almenningi og lögð fyrir sveitarstjórn í kjölfarið.
Sept./nóv.	Tillaga að aðalskipulagsbreytingu samþykkt til auglýsingar í sveitarstjórn og send Skipulagsstofnun, sem veitir heimild til auglýsingar, innan 4 vikna. Tillaga auglýst og send til umsagnaraðila. Gefinn verður sex vikna frestur til þess að skila inn athugasemdum.
Nóv./des.	Tillaga að aðalskipulagsbreytingu ásamt deiliskipulagi afgreitt í sveitarstjórn, að undangenginni umræðu skipulagsnefndar, með breytingum sem athugasemdir kunna að gefa tilefni til. Tillaga send Skipulagsstofnun til endanlegrar afgreiðslu.
Des./jan 2022	Gildistaka aðalskipulagsbreytingar og deiliskipulags auglýst í B- deild Stjórnartíðinda.